

# **Pravilnik o izmjenama i dopunama Pravilnika o TCMS - u (Službeni glasnik BiH br. 40/17) - Bosanski jezik**

Izvor: VSTV Help portal

Na osnovu člana 17. tačka 24. Zakona o Visokom sudskom i tužilačkom vijeću Bosne i Hercegovine ("Službeni glasnik BiH", br. 25/04, 93/05, 48/07, 15/08), Visoko sudsko i tužilačko vijeće, na sjednici održanoj 10.5.2017. godine, donosi

## **PRAVILNIK O IZMJENAMA I DOPUNAMA PRAVILNIKA O SISTEMU ZA AUTOMATSKO UPRAVLJANJE PREDMETIMA U TUŽILAŠTVIMA (TCMS)**

### **Član 1.**

U Pravilniku o Sistemu za automatsko upravljanje predmetima u tužilaštvima ("Službeni glasnik BiH", br. 04/16, 37/16 i 84/16), u članu 69. (Tužilački identifikator [TI]), vrši se izmjena naziva pojedinih tužilaštava koji sada glase:

Republičko javno tužilaštvo Republike Srpske	12
Okružno javno tužilaštvo u Banja Luci	13
Okružno javno tužilaštvo u Bijeljini	14
Okružno javno tužilaštvo u Doboju	15
Okružno javno tužilaštvo u Trebinju	16
Okružno javno tužilaštvo u Istočnom Sarajevu	17
Republičko javno tužilaštvo Posebno odjeljenje za suzbijanje korupcije, organizovanog i najtežih oblika privrednog kriminala	19

Iza "Posebno odjeljenje Federalnog tužilaštva Federacije BiH za suzbijanje korupcije, organizovanog i međukantonalnog kriminala - 21" dodaje se:

Okružno javno tužilaštvo u Prijedoru	22
--------------------------------------	----

### Član 2.

U članu 73. (Pristup podacima od strane Ureda disciplinskog tužioca) stav (1) mijenja se i glasi: "(1) Ured disciplinskog tužioca (u daljem tekstu: UDT) ima pravo uvida i štampanja, odnosno elektronskog snimanja (u daljem tekstu: uvida) predmeta i izvještaja, evidentiranih u TCMS-u."

### Član 3.

U članu 77. (Evidencija uvida u podatke) dodaje se novi stav (2) koji glasi:

(2) U slučaju štampanja ili elektronskog snimanja dokumenata, ovlašteni zaposlenik IKT odjela je dužan sačiniti spisak svih dokumenata koji su dostavljeni disciplinskom tužiocu i isti pohraniti u elektronsku evidenciju o izvršenim uvidima.

### Član 4.

Iza člana 77. (Evidencija uvida u podatke) dodaje se novi član 77a. koji glasi:

#### Član 77a. (Dostavljanje dokumenata)

(1) U slučaju kada se dokumenti iz TCMS-a štampaju, dostavljaju se disciplinskom tužiocu uz popis dostavljenih dokumenata. Nakon potpisivanja popisa od strane disciplinskog tužioca, ovlašteni službenik IKT odjela vrši skeniranje i elektronsku pohranu popisa u evidenciju iz člana 84.

(2) U slučaju elektronskog snimanja i dostavljanja dokumenata, ovlašteni službenik vrši dostavljanje dokumenata putem elektronske pošte na adresu disciplinskog tužioca kojem je odobren uvid u predmet, uz korištenje sistema enkripcije.

(3) Nakon zaprimanja potvrde o prijemu poruka elektronske pošte se pohranjuje na lokaciju za elektronsko arhiviranje predmeta i trajno se briše iz elektronske pošte i sa prostora na kojem su bili snimljeni dokumenti. Čuvanje arhive dostavljenih poruka elektronske pošte uređuje se u skladu sa propisima kojima se uređuje arhiviranje predmeta u VSTV-u uz korištenje najvišeg stepena povjerljivosti.

## Član 5.

Izmjene i dopune pravilnika stupaju na snagu osmog dana od dana objavljivanja u "Službenom glasniku BiH".

Broj 09-02-2-1771/2017

15. maja 2017. godine, Sarajevo

Predsjednik

Milan Tegeltija, s. r.

Obrazac br. 1 - ZAHTJEV UDT-a ZA ODOBRENJE UVIDA U PREDMETE/IZVJEŠTAJE  
PUTEM TCMS-a

Dobavljeno iz "[https://wiki.pravosudje.ba/index.php?title=Pravilnik\\_o\\_izmjenama\\_i\\_dopunama\\_Pravilnika\\_o\\_TCMS\\_-\\_u\\_\(Službeni\\_glasnik\\_BiH\\_br.\\_40/17\)\\_-\\_Bosanski\\_jezik&oldid=7722](https://wiki.pravosudje.ba/index.php?title=Pravilnik_o_izmjenama_i_dopunama_Pravilnika_o_TCMS_-_u_(Službeni_glasnik_BiH_br._40/17)_-_Bosanski_jezik&oldid=7722)"

- 
- Ova stranica je posljednji put izmijenjena 01:48, 6 juni 2017
  - Ovoj stranici je pristupljeno 88 puta.